

# 317. KIRKJURÁÐSFUNDUR

FIMMTUDAGINN 1. OKTÓBER 2020 KL 9:00

haldinn á Biskupsstofu, Katrínartúni 4, 105 Reykjavík

---

## FUNDARGERÐ

---

- 1) Fundarsetning
- 2) Fjármál og fasteignir
  - a) Ósk um lóð undir íbúðarhús í Önundarfirði
  - b) Leigusamningur um lóð í landi Vogsósa
  - c) Erindi Borgarbyggðar
  - d) Byggingalóð í landi Vökulands
  - e) Prestsetrið í Vík
  - f) Erindi sóknarprests Mosfellsprestakalls
  - g) Fjárhagsáætlun 2021
- 3) Kirkjuþing 2019
- 4) Kirkjuþing 2020-2021
- 5) Önnur mál
  - a) Kjörstjórn þjóðkirkjunnar
  - b) Yfirkjörstjórn þjóðkirkjunnar
  - c) Kynning mannauðsstjóra
  - d) Erindi frá settum sóknarpresti Þingeyrarklaustursprestakalls, Húnavatns- og Skagafjarðarprófastsdæmi

---

## 1. FUNDARSETNING

---

Agnes M. Sigurðardóttir biskup Íslands setti fund kl. 9:00 með ritningarlestri og bæn. Frá kl. 13:00 stýrði sr. Solveig Lára Guðmundsdóttir fundinum, í fjarveru sr. Agnesar, sbr. 15. gr. laga um stöðu, stjórn og starfshætti Þjóðkirkjunnar nr. 78/1997.

Þá sátu fundinn kirkjuráðsmennirnir sr. Arna Grétarsdóttir, sr. Axel Árnason Njarðvík, Svana Helen Björnsdóttir og Stefán Magnússon, sem sat fundinn í gegnum fjarfundabúnað, Zoom.

Jafnframt sátu fundinn Brynja Dögg Guðmundsdóttir Briem, framkvæmdastjóri kirkjuráðs, sr. Þorvaldur Víðisson biskupsritari, sem ritaði fundargerð til kl. 13:00 og Guðmundur Þór Guðmundsson, skrifstofustjóri biskupsstofu, sem ritaði fundargerð eftir kl. 13:00.

Drífa Hjartardóttir, forseti kirkjupings tók þátt í fundinum í gegnum fjarfundabúnað, undir dagskrárlið 2g, 3 og 4.

Undir lið 2g tóku eftirtaldir kirkjupingsfulltrúar í fjárhagsnefnd kirkjupings þátt í gegnum fjarfundabúnað: sr. Gísli Jónasson, formaður fjárhagsnefndar, Einar Már Sigurðarson, sr. Gísli Gunnarsson, Hermann Ragnar Jónsson og sr. Þuríður Wium Árnadóttir. Einnig tóku þátt í fundinum með sama hætti Andri Þór Skúlason og Helgi Gunnarsson, ráðgjafar frá KPMG.

Arnór Skúlason, verkefnastjóri fasteignasviðs, kom inn á fundinn undir dagskrárlið 2e og 2f. Þá kom Margrét Hannesdóttir, verkefnisstjóri, inn á fundinn undir þessum dagskrárlið og fór yfir fjárhagslegar forsendur 34. máls kirkjupings 2020-2021, um starfskostnað vegna prestsþjónustu og prófastsstarfa.

Ingunn Ólafsdóttir, mannauðsstjóri Þjóðkirkjunnar-Biskupsstofu, kom inn á fundinn undir dagskrárlið 5.

Framkvæmdastjóri og biskup reifuðu stöðu helstu mála sem eru í vinnslu.

---

## 2. FJÁRMÁL OG FASTEIGNIR

---

a) *Ósk um lóð undir íbúðarhús í Önundarfirði*

Málinu var frestað frá síðasta fundi.

Kirkjuráð samþykkti að hafna erindinu.

b) *Leigusamningur um lóð í landi Vogsósa*

Málið er í vinnslu og verður tekið fyrir á næsta fundi kirkjuráðs.

c) *Erindi Borgarbyggðar*

Lagt var fram erindi umhverfis- og skipulagssviðs Borgarbyggðar, dags. 24. september 2020. Erindið hefur verið borið undir ábúandann á Borg.

Kirkjuráð fagnar samstarfi um verkefnið.

d) *Byggingalóð í landi Vökulands*

Lagt var fram erindi landeiganda Vökulands, dags. 17. september 2020.

□ Kirkjuráð samþykkti erindið með því skilyrði að byggt verði eins fjarri lóðarmörkum og hægt er.

e) *Prestssetrið í Vík*

Lagt fram erindi sóknarprestsins í Vík, dags. 24. september 2020.

□ Kirkjuráð samþykkti að fela fasteignasviði að afgreiða erindið.

f) *Erindi sóknarprests Mosfellsprestakalls*

Erindið var afturkallað meðan á fundi stóð og kom því ekki til úrlausnar kirkjuráðs.

g) *Fjárhagsáætlun 2021*

Kirkjuráð kynnti fyrir fulltrúum frá fjárhagsnefnd kirkjuþings og forseta kirkjuþings, drög að fjárhagsáætlun fyrir árið 2021, sem fyrirhugað er að leggja fram á kirkjuþingi í nóvember. Frumvarp til fjárlaga fyrir árið 2021 hefur verið lagt fram. Fjárheimild til þjóðkirkjunnar í frumvarpinu er í samræmi við viðbótarsamning ríkis og kirkju frá 6. september 2019. Fjárhagsáætlunin rædd.

---

### 3. KIRKJUÞING 2019

---

a) *Mál sem afgreidd voru á kirkjuþingi 2019 í september 2020.*

**4., 5., 9., 12. og 14. mál.** *Starfsreglur um breyting á starfsreglum um skipulag kirkjunnar í héraði nr. 1026/2007, með síðari breytingum.*

**4. mál.** Ás-, Langholts- og Laugarnesprestaköll, Reykjavíkurprófastsdæmi vestra, sameinist í eitt prestakall, Laugardalsprestakall.

Auglýsing um sameininguna verður send Stjórnartíðindum og birt í B-deild. Starfsreglurnar verða í framhaldinu uppfærðar á vefnum kirkjan.is.

**5. mál.** Digranes- og Hjallaprestaköll, Reykjavíkurprófastsdæmi eystra, sameinist í eitt prestakall, Digranes- og Hjallaprestakall.

Auglýsing um sameininguna verður send Stjórnartíðindum og birt í B-deild. Starfsreglurnar verða í framhaldinu uppfærðar á vefnum kirkjan.is.

**9. mál.** Bolungarvíkur-, Holts-, Ísafjarðar- og Þingeyrarprestaköll, Vestfjarðarprófastsdæmi, sameinist í eitt prestakall, Ísafjarðarprestakall.

Auglýsing um sameininguna verður send Stjórnartíðindum og birt í B-deild. Starfsreglurnar verða í framhaldinu uppfærðar á vefnum kirkjan.is.

**11. mál.** *Tillaga að starfsreglum um breytingu á starfsreglum um skipulag kirkjunnar í héraði nr. 1026/2007, með síðari breytingum. (Breiðabólssstaðar-, Melstaðar-, Skagastrandar- og Þingeyraklaustursprestaköll, Húnavatns- og Skagafjarðarprófastsdæmi).*

Málið var dregið til baka.

**12. mál.** Akureyrar- og Laugalandsprestaköll, Eyjafjarðar- og Þingeyjarprófastsdæmi, sameinist í eitt prestakall, Akureyrar- og Laugalandsprestakall.

Auglýsing um sameininguna verður send Stjórnartíðindum og birt í B-deild. Starfsreglurnar verða í framhaldinu uppfærðar á vefnum kirkjan.is.

**13. mál.** *Tillaga að starfsreglum um breytingu á starfsreglum um skipulag kirkjunnar í héraði nr. 1026/2007, með síðari breytingum. (Breiðabólstaðar-, Fellsmúla- og Oddaprestaköll, Suðurprófastsdæmi).*

Málið var dregið til baka.

**14. mál.** Selfoss- og Eyrabakkaprestaköll, Suðurprófastsdæmi, sameinist í eitt prestakall, Árborgarprestakall.

Auglýsing um sameininguna verður send Stjórnartíðindum og birt í B-deild. Starfsreglurnar verða í framhaldinu uppfærðar á vefnum kirkjan.is.

**18. mál.** *Starfsreglur um breytingu á starfsreglum um prestssetur og aðrar fasteignir kirkjunnar nr. 950/2009, með síðari breytingum. (Leiga)*

Tillagan laut að hækkun húsaleigu á prestssetrum og fleiru því tengt.

Auglýsing um breytinguna var send Stjórnartíðindum 24. september sl. og mun birtast í B-deild á næstu dögum. Starfsreglurnar verða þá uppfærðar á vefnum: kirkjan.is.

**20. mál.** *Tillaga að starfsreglum um breytingu á starfsreglum um val og veitingu prestsembætta nr. 144/2016, með síðari breytingum.*

Málið var dregið til baka.

**23. mál.** *Þingsályktun um orkuskipti í samgöngum á vegum starfsfólks kirkjunnar.*

Kirkjuþing ályktaði að þjóðkirkjan, kirkjustjórn, prestar og sóknir stígi skref til orkuskipta í samgöngum.

Kirkjuþing ályktaði enn fremur að starfshópur á vegum kirkjuráðs greini þær leiðir sem færar eru og kirkjuráð geri tillögu fyrir kirkjuþing 2020 hvernig orkuskiptum verði náð. Síðan verði innleidd ný skipan á samgöngum alls starfsfólks kirkjunnar í kjölfarið og verði þeim skiptum lokið eigi síðar en 2030.

Kirkjuráði verði falið að koma upp, við fasteignir kirkjunnar, rafmagnstenglum eða hleðslustöðvum til að hlaða bíla gegn gjaldi árið 2020.

Vegna frestunar kirkjuþings 2019 til september 2020, í ljósi heimsfaraldursins, frestast framkvæmd þingsályktunarinnar.

□ Kirkjuráð samþykkti að fela framkvæmdastjóra að senda prestum á prestssetrum og forstöðumönnum kirkjumiðstöðva bréf, til að kanna þörfina á uppsetningu á tenglum og hleðslustöðvum við prestssetur og kirkjumiðstöðva.

**24. mál.** *Þingsályktun um að lýsa beri viðbragðsástandi í lofslagsmálum.*

Kirkjuþing ályktaði að stjórnvöldum beri að lýsa viðbragðsástandi vegna stöðunnar í loftslagsmálum á heimsvísu til að flýta fyrir innleiðingu þeirra róttæku aðgerða sem þörf er á til að stemma stigu við hlýnun andrúmslofts jarðar. Einnig er ríkisstjórn Íslands hvött til að aðgerðir í loftslagsmálum verði magnbundnar og tímasettar.

**25. mál.** *Þingsályktun um kolefnisjöfnun ferðalaga á vegum kirkjustjórnarinnar.*

Kirkjuþing ályktaði að þjóðkirkjan skuldbindi sig til þess að kolefnisjafna allir ferðir á vegum kirkjustjórnar og prófastsdæma innan þriggja ára, þ.e. fyrir árið 2022. Það verði gert með mótvægisáðgerðum í skógrækt eða endurheimt votlendis á jarðnæði í eigu kirkjunnar, m.a. þar sem boðið verður upp á helgun lands, sbr. helgun lands í Skálholti 16. september 2019.

Gerð verði greining á akstri og annarri orkuþörf á árinu 2020 og gerður samningur við fyrirtæki um mælingu á kolefnisútbæstri og mótvægisáðgerðum. Jafnframt verði fundnar leiðir til að hrinda kolefnisjöfnuninni í framkvæmd, annað hvort með þátttöku starfsfólks í skógrækt þar sem það á við eða samningi við fyrirtæki sem taka líkt að sér (endurheimt votlendis sérstaklega).

Stefnt er að því að verkefninu „að kolefnisjafna yfirstjórn kirkjunnar“ verði hrint í framkvæmd sem hér segir: 2020 biskupsstofa, biskupsembætti. 2021 kirkjuráð, kirkjuþing. 2022 prófastsdæmi. Einnig verði söfnuðum og starfsemi þjóðkirkjunnar gert kleift að kolefnisjafna starf sitt á þessum jörðum líkt og nú þegar hefur verið lagt upp með í Skálholti.

Vegna frestunar kirkjuþings 2019 til september 2020, í ljósi heimsfaraldursins, frestast framkvæmd þingsályktunarinnar.

□ Kirkjuráð samþykkti að fela umhverfihópi kirkjunnar að vinna málið áfram í samráði við Umhverfisstofnun og kynna kirkjuráði tillögur sínar á fundi kirkjuráðs í desember.

**27. mál. og 29. mál.** *Þingsályktun um undirbúning að stefnumótun fyrir þjóðkirkjuna.*

Allsherjarnefnd, fjárhagsnefnd og löggjafarnefnd fjölluðu um 27. mál og 29. mál og lögðu til að þau yrðu sameinuð í eitt mál og afgreidd þannig. Um var að ræða *Tillögu til þingsályktunar um frekari stefnumótun þjóðkirkjunnar og tillögu til þingsályktunar um gerð sviðsmynda fyrir þjóðkirkjuna.*

Kirkjuþing 2019 samþykkir að fela kirkjuráði að hefja vinnu að undirbúningi að stefnumótun fyrir þjóðkirkjuna og ráða utanaðkomandi ráðgjafa/ráðgjafafyrirtæki til að meta núverandi stöðu þjóðkirkjunnar varðandi skipulag, rekstur og stjórnsýslu. Taka skal tilliti til þeirra breytinga sem kirkjan hefur gengið í gegnum á síðast liðnum mánuðum og árum. Ásamt mati á núverandi stöðu skili ráðgjafinn/ráðgjafafyrirtækið af sér tillögum um með hvaða hætti þjóðkirkjan á að nálgast framtíðarsýn og heildar stefnumótun. Hafa skal að leiðarljósi þarfir og skyldur íslensku þjóðkirkjunnar, sem er evangelísk-lútersk kirkja. Gerð verði verk- og kostnaðaráætlun um verkið.

□ Kirkjuráð samþykkti að fela kirkjustarfshópi kirkjuráðs að taka málið til umfjöllunar og gera tillögu til kirkjuráðs um framkvæmd málsins, á næsta fundi.

**28. mál.** *Tillaga til þingsályktunar um ferli vegna breytinga á prestakallaskipan í landinu.*

Málið fékk ekki framgang á kirkjuþingi.

**30. mál.** *Tillaga að starfsreglum um breytingu á starfsreglum um kjör til kirkjuþings nr. 1075/2017, með síðari breytingu.*

Málið var dregið til baka.

**31. mál.** *Tillaga að starfsreglum um breytingu á starfsreglum um val og veitingu prestsembættu nr. 144/2016, með síðari breytingum.*

Tillögunni var hafnað.

**32. mál.** *Tillaga að starfsreglum um breytingu á starfsreglum um prestssetur og aðrar fasteignir kirkjunnar nr. 950/2009, með síðari breytingum.*

Málið fékk ekki framgang.

**33. mál.** *Starfsreglur um breytingu á starfsreglum um kosningu biskups Íslands og vígslubiskupa nr. 333/2017.*

Tillagan laut að kosningarétti vígðra starfsmanna á biskupsstofu í föstu starfi en að vígðir kennarar í föstu starfi við guðfræði- og trúarbragðafræðideild Háskóla Íslands hafi ekki lengur kosningarétt.

Auglýsing um breytinguna var send Stjórnartíðindum 24. september sl. og mun birtast í B-deild á næstu dögum. Starfsreglurnar verða þá uppfærðar á vefnum: kirkjan.is.

**34. mál.** *Tillaga að starfsreglum um breytingu á starfsreglum um kjör til kirkjuþings nr. 1075/2017, með síðari breytingu.*

Málið var dregið til baka.

---

#### 4. KIRKJUÞING 2020-2021

---

*a) Mál sem afgreidd voru á kirkjuþingi 2020-2021 og staða annarra mála*

**1. mál.** *Skýrsla kirkjuráðs til kirkjuþings um störf sín.*

Ályktun kirkjuþings.

*Kirkjuþing þakkar framtíðarnefnd þeirri, sem kirkjuráð skipaði, þá vinnu sem henni var falið að inna af hendi vegna viðbótarsamnings milli Þjóðkirkjunnar og íslenska ríkisins.*

*Kirkjuþing þakkar stjórn Skálholts og öðrum sem koma að starfsemi og uppbyggingu í Skálholti.*

*Kirkjuþing ályktar að farið verði yfir starfsreglur um Fjölskylduþjónustu kirkjunnar.*

*Kirkjuþing hvetur til að unnið verði úr niðurstöðum úttektar á aðgengi fatlaðra og hreyfihamlaðra að kirkjum og safnaðarheimilum landsins og farið í framkvæmdir þar sem við á.*

*Kirkjuþing fagnar að hugmynd biskups Íslands um Dagsetur fyrir heimilislausar konur sé að verða að veruleika.*

*Kirkjuþing þakkar áfangaskýrslu nefndar sem er að semja tillögu að stefnumótun fyrir kærleikspjónustu kirkjunnar.*

*Kirkjuþing þakkar öllu þjóðkirkjufólki framgöngu þess vegna Covid-19 faraldursins.*

- Kirkjuráð tekur undir framangreind sjónarmið kirkjuþings.
- Kirkjuráð samþykkti að fela löggjafahópi kirkjuráðs að yfirfara starfsreglur um Fjölskylduþjónustu þjóðkirkjunnar og koma með tillögu um hvernig staðið verður að breytingum á þeim.
- Kirkjuráð samþykkti að fela framkvæmdastjóra í samráði við sr. Gísla Jónasson, kirkjuþingsmann að ljúka við úttekt og frágang málsins, varðandi aðgengi fatlaðra og hreyfihamlaðra að kirkjubyggingum.

## **2. mál.** *Skýrsla um fjármál þjóðkirkjunnar.*

Málinu var frestað til framhaldsþings í nóvember 2020.

## **3. mál.** *Þingsályktun um frumvarp til laga um þjóðkirkjuna.*

Málið var samþykkt óbreytt.

## **4. mál.** *Tillaga til þingsályktunar um samskipta- og siðareglur þjóðkirkjunnar.*

Málinu var frestað til framhaldsþings.

## **5. mál.** *Starfsreglur um kjaranefnd Þjóðkirkjunnar-Biskupsstofu.*

Samþykkt var tillaga að starfsreglum um kjaranefnd Þjóðkirkjunnar-Biskupsstofu en kjaranefnd hefur eftirfarandi hlutverk: Að gæta hagsmuna Þjóðkirkjunnar – Biskupsstofu gagnvart samtökum þeirra launþega sem ráðnir eru þar til starfa, sérstaklega að því er varðar kaup og kjör. Að koma fram sem samningsaðili fyrir hönd Þjóðkirkjunnar-Biskupsstofu gagnvart stéttarfélögum hlutaðeigandi starfsfólks eða öðrum þeim, sem umboð hafa til slíkrar samningsgerðar. Að vinna að því að móta starfskjarastefnu Þjóðkirkjunnar-Biskupsstofu.

Auglýsing um breytinguna var send Stjórnartíðindum 24. september sl. og mun birtast í B-deild á næstu dögum. Starfsreglurnar verða þá uppfærðar á vefnum: kirkjan.is.

Eftirtaldir aðilar voru skipaðir í kjaranefnd Þjóðkirkjunnar - Biskupsstofu:

*Aðalmenn:*

Guðrún Zoëga, verkfræðingur, formaður

Anna Mjöll Karlsdóttir, lögfræðingur

Einar Karl Haraldsson, ráðgjafi

*Varamenn.*

Inga Rún Ólafsdóttir, forstöðumaður kjarasviðs Samb. ísl. sveitarf., varaformaður

Guðmundur Einarsson, fyrrv. framkvæmdastjóri

Gunnar Þór Ágeirsson, endurskoðandi

**6. mál.** *Starfsreglur um fjármál þjóðkirkjunnar.*

Tillagan var samþykkt óbreytt.

Með viðbótarsamningi ríkis og kirkju, frá 6. september 2019, fékk kirkjuþing í hendur fjárstjórnarvald yfir gagngjaldi sem ríkið greiðir kirkjunni vegna afhentra kirkjueigna á grundvelli kirkjujarðasamkomulags frá 1997. Starfsreglur um fjármál Þjóðkirkjunnar – Biskusstofu eru afurð af vinnu Framtíðarnefndar þjóðkirkjunnar, en nefndin er skipuð fulltrúum sem áttu að sjá um að aðlaga regluverk kirkjunnar að þeim breytingum sem koma í kjölfar samningsins.

Með nýju reglunum kýs nú kirkjuþing nefnd til fjögurra ára í senn, sem úthlutar styrkjum skv. 2. mgr. 5. gr. Eftirtaldir aðilar voru skipaðir í úthlutunarnefnd:

*Aðalmenn:*

Sr. Gísli Jónasson, prófastur  
Valgerður Sverrisdóttir, fyrrv. ráðherra  
Guðmundur Jóhann Jónsson, forstjóri

*Varamenn:*

Sr. Þuríður Björg Wium Árnadóttir  
Guðrún Hafsteinsdóttir, framkvæmdastjóri  
Jón Sigurðsson, fyrrv. ráðherra

Starfsreglurnar voru birtar í Stjórnartíðindum 28. september 2020 og taka gildi í dag, 1. október 2020 en þá verða þær jafnframt birtar á vef kirkjunnar, [www.kirkjan.is](http://www.kirkjan.is).

**7. mál.** *Starfsreglur um starfskostnað vegna prestsþjónustu og prófastsstarfa.*

Tillagan var samþykkt óbreytt.

Starfsreglurnar voru birtar í Stjórnartíðindum 28. september 2020 og taka gildi í dag, 1. október 2020 en þá verða þær jafnframt birtar á vef kirkjunnar, [www.kirkjan.is](http://www.kirkjan.is).

**8. mál.** *Þingsályktun um gjaldskrá um greiðslur fyrir prestsþjónustu.*

Málið var samþykkt óbreytt.

Gjaldskráin var birt í Stjórnartíðindum 28. september 2020 og tekur gildi í dag, 1. október 2020 en þá verður hún jafnframt birt á vef kirkjunnar, [www.kirkjan.is](http://www.kirkjan.is).

**9. mál.** *Tillaga að starfsreglum um breytingu á ýmsum starfsreglum kirkjuþings skv. heimildum í lögum um stöðu, stjórn og starfshætti þjóðkirkjunnar (bandormur).*

Málinu var frestað til framhaldspings.

**10. mál.** *Tillaga að starfsreglum um breytingu á starfsreglum um skipulag kirkjunnar í héraði nr. 1026/2007 (Hvanneyri/Reykholt)*

Málinu var frestað til framhaldspings.



**11. mál.** *Tillaga að starfsreglum um breytingu á starfsreglum um skipulag kirkjunnar í héraði nr. 1026/2007, með síðari breytingum. (Sóknarmörk)*

Málinu var frestað til framhaldspings.

**12. mál.** *Starfsreglur um breytingu á starfsreglum um þingsköp kirkjuþings nr. 949/2009, með síðari breytingum.*

Hinar nýju starfsreglur fela í sér ýmsar breytingar, áréttað er að við birtingu starfsreglna og ályktana kirkjuþings megi ekkert undan fella sem þar á að standa og fram hefur komið á þinginu. Í auknum mæli er vísað til jafnréttisstefnu þjóðkirkjunnar og jafnréttissjónarmiða. Heimilt verður að afgreiða mál með einni umræðu án umfjöllunar fastanefndar kirkjuþings, mæli enginn kirkjuþingsfulltrúi gegn því. Forsætisnefnd getur nú ákveðið að störf kirkjuþings fari fram með fjarfundabúnaði við sérstakar aðstæður og að kosningar og atkvæðagreiðsla geti jafnframt farið fram í gegnum slíkan búnað. Kirkjuþingsfulltrúum ber að fylgja ákvæðum II. kafla stjórnslulaga nr. 37/1993, með síðari breytingum, um sérstakt hæfi, eins og við getur átt. Þá má nú fresta afgreiðslu máls úr þingnefnd og seinni umræðu, til næsta kirkjuþings á eftir.

Auglýsing um breytinguna var send Stjórnartíðindum 24. september sl. og mun birtast í B-deild á næstu dögum. Starfsreglurnar verða þá uppfærðar á vefnum: kirkjan.is.

**13. mál.** *Tillaga til þingsályktunar um kaup og sölu fasteigna.*

Málinu var frestað til framhaldspings.

**14. mál.** *Tillaga að starfsreglum um breytingu á starfsreglum um prestssetur og aðrar fasteignir kirkjunnar, nr. 950/2009, með síðari breytingum*

Málinu var frestað til framhaldspings.

**15. mál.** *Tillaga til þingsályktunar um breytingu á fasteignastefnu þjóðkirkjunnar.*

Málinu var frestað til framhaldspings.

**16. mál.** *Þingsályktun um skipun starfshóps til að vinna að mótun heildstæðrar eignastefnu þjóðkirkjunnar.*

Málið var samþykkt óbreytt.

Kirkjuráð samþykkti að eftirtaldir aðilar yrðu skipaðir í nefndina:

Sr. Axel Árnason Njarðvík, kirkjuráðs- og kirkjuþingsmaður  
Svana Helen Björnsdóttir, kirkjuráðs- og kirkjuþingskona  
Brynja Dögg Guðmundsdóttir Briem, framkvæmdastjóri kirkjuráðs

**17. mál.** *Tillaga að starfsreglum um ráðningu í prestsstörf.*

Málinu var frestað til framhaldspings.

**18. mál.** *Starfsreglur um héraðsfundi og héraðsnefndir.*

Tillagan var samþykkt óbreytt.

Starfsreglurnar fela ekki í sér efnislegar breytingar frá því sem lög um stöðu, stjórn og starfshætti þjóðkirkjunnar, nr. 78/1997 hafa mælt um en í ljósi niðurfellingar ákvæðis um héraðssjóði með breytingarlögum nr. 95/2020 og í ljósi þess að unnið er að smíði nýrra þjóðkirkjulaga þótti rétt að fella í starfsreglurnar ákvæði um héraðssjóði og héraðsnefndir sem er að finna í gildandi lögum um þjóðkirkjuna.

Auglýsing um breytinguna var send Stjórnartíðindum 24. september sl. og mun birtast í B-deild á næstu dögum. Starfsreglurnar verða þá uppfærðar á vefnum: kirkjan.is.

**19. mál.** *Tillaga að starfsreglum um breytingu á starfsreglum um val og veitingu prestsembættu nr. 144/2016, með síðari breytingum.*

Málinu var frestað til framhaldspings.

**20. mál.** *Tillaga að starfsreglum um breytingu á starfsreglum um presta nr. 110/2011, með síðari breytingum.*

Málið var dregið til baka.

**21. mál.** *Starfsreglur um breytingu á starfsreglum um prestssetur og aðrar fasteignir þjóðkirkjunnar nr. 950/2009, með síðari breytingum.*

Tillagan var samþykkt óbreytt.

Tillagan felur í sér að kirkjuráð skal auglýsa á almennum markaði allar fasteignir þjóðkirkjunnar, sem það hefur ákveðið að selja með samþykki kirkjubings. Kirkjuráð skal taka hæsta tilboði eða hafna öllum.

Auglýsing um framangreinda breytingu á starfsreglum var birt í Stjórnartíðindum 28. september sl. og öðlast gildi í dag, 1. október 2020. Breytingin hefur verið birt á vefnum: kirkjan.is.

**22. mál.** *Tillaga að starfsreglum um Skálholtsstað.*

Málinu var frestað til framhaldspings.

**23.mál.** *Tillaga til þingsályktunar um verkáætlun vegna umhirðu jarða þjóðkirkjunnar.*

Tillagan fékk ekki framgang og því tekin af dagskrá.

**24. mál.** *Starfsreglur um breytingu á starfsreglum um sóknarnefndir.*

Starfsreglurnar fela m.a. í sér að sóknarnefnd boðar til aðalsafnaðarfundar sóknar í samráði við sóknarprest og/eða starfandi prest.

Auglýsing um breytinguna var send Stjórnartíðindum 24. september sl. og mun hún birtast í B-deild á næstu dögum. Starfsreglurnar verða þá uppfærðar á vefnum: kirkjan.is.

**25. mál.** *Tillaga til þingsályktunar um mótun stefnu þjóðkirkjunnar í málum fólks á flótta og umsækjenda um alþjóðlega vernd.*

Málinu var frestað til framhaldspings.

**26. mál.** *Pingsályktun um brottvísanir flóttafólks sem hefur fengið alþjóðlega vernd í öðru ríki.*

Kirkjuþing 2020 hvetur íslensk stjórnvöld til að vísa umsækjendum um alþjóðlega vernd ekki úr landi án efnislegrar meðferðar hælisumsóknar. Þjóðkirkjan hefur sérstakar áhyggjur af börnum í þessum hópi. Þessu til viðbótar hvetur kirkjuþing íslensk stjórnvöld til að veita umsækjendum um alþjóðlega vernd dvalarleyfi af mannúðarástæðum ef þau hafa dvalið hérlendis til lengri tíma og aðlagast samfélaginu óháð niðurstöðu máls þeirra.

**27. mál.** *Pingsályktun um að skipa nefnd til að endurskoða starfsreglur um kjör til kirkjuþings nr. 1075/2017, með síðari breytingum og starfsreglur um kosningu biskups Íslands og vígslubiskupa nr. 333/2017.*

Kirkjuþing 2020-2021 ályktar að kjósa þriggja manna nefnd til að endurskoða starfsreglur um kjör til kirkjuþings og starfsreglur um kosningu biskups Íslands og vígslubiskupa og semja tillögur að nýjum starfsreglum. Tillögurnar miði einkum að því að tryggja að kosningakerfi þjóðkirkjunnar sé lýðræðislegt og að jafnræðis sé gætt.

Nefnd um kosningareglur skipa eftirtaldir kirkjuþingsfulltrúar:

Margrét Eggertsdóttir  
Sr. Bryndís Malla Elísdóttir  
Einar Már Sigurðarson

**28. mál.** *Tillaga til þingsályktunar um heimasíðu og aðra miðla.*

Málinu var frestað til framhaldsþings.

**29. mál.** *Pingsályktun um hugverkaskráningu.*

Kirkjuþing 2020 beinir þeim tilmælum til kirkjuráðs að það skrái merki þjóðkirkjunnar, orðmerki og myndmerki, með formlegum hætti hjá Hugverkastofunni sem starfar samkvæmt lögum um einkaleyfi nr. 17/1991, með síðari breytingum.

**30. mál.** *Pingsályktun um tækifærisgjafir til embættis biskups Íslands.*

Kirkjuþing 2020 beinir þeim tilmælum til biskups Íslands að allar tækifærisgjafir til embættis biskups Íslands verði skráðar sérstaklega.

Kirkjuráð samþykkti að skjalastjóri Biskupsstofu muni halda utan um skráninguna.

**31. mál.** *Pingsályktun um Fréttabréf biskupsstofu og Víðförla, fréttablað kirkjunnar.*

Kirkjuþing 2020 beinir þeim tilmælum til kirkjuráðs að séð verði til þess að Fréttabréf biskupsstofu frá 1976-1977 og 1979-1982, og fréttablað kirkjunnar: Víðförla 1. árg., október 1982 og til loka útgáfu, þ.e. 29. árg., 1. tbl., desember 2009, verði innskönnuð og sett á vefinn timarit.is og á vef kirkjunnar, kirkjan.is.

Kirkjuráð samþykkti að skjalastjóri Biskupsstofu muni fylgja málinu eftir.

**32. mál.** *Pingsályktun um greiðslur útfarakostnaðar.*

Kirkjuþing 2020-2021 samþykkir að Biskupsstofa gangi nú þegar til samninga við Kirkjugarðasambandið um innheimtu útfararkostnaðar og greiðslur til presta vegna þjónustu við útfarir gegn innheimtuþóknun. Innheimtuþóknun greiðist ekki úr sjóðum kirkjunnar.

Málið er komið í farveg.

**33. mál.** *Pingsályktun um skipan starfshóps til mótunar stefnu varðandi nánari útfærslu á fasteignastefnu þjóðkirkjunnar.*

Kirkjuþing 2020 samþykkir að skipa starfshóp þriggja fulltrúa til að fara yfir stöðu fasteigna þjóðkirkjunnar og gera tillögur um nánari útfærslu fasteignastefnu hennar og þá sérstaklega hvað varðar 1. og 2. grein. Starfshópurinn skili niðurstöðum sínum til kirkjuþings 2021.

Starfshópurinn skipa eftirtaldir kirkjuþingsfulltrúar:

Stefán Magnússon, bóndi

Sr. Þuríður Björg Árnadóttir Wium

Sr. Gísli Gunnarsson

**34. mál.** *Tillaga að starfsreglum um starfskostnað vegna prestsþjónustu og prófastsstarfa.*

Málinu var frestað til framhaldsþings.

**35. mál.** *Starfsreglur um breytingu á starfsreglum um val og veitingu prestsembætta nr. 144/2016, með síðari breytingum.*

Starfsreglurnar fela í sér að í stað 1. og 2. mgr. 13. gr. starfsreglnanna koma þrjár nýjar málsgreinar, svohljóðandi:

Atkvæðisbær sóknarbörn teljast þau sem skráð eru í þjóðkirkjuna í prestakalli samkvæmt þjóðskrá og eru fullra 16 ára við birtingu auglýsingar í Lögbirtingablaði um laust embætti sóknarprests eða prests í prestakalli.

Nú kemur fram ósk, innan fimm daga frá birtingu auglýsingar, a.m.k. fimm atkvæðisbærra sóknarbarna um að almenn kosning skuli fara fram í prestakalli, eftir að embætti prests hefur verið auglýst laust til umsóknar. Skal þá Biskupsstofa svo skjótt sem auðið er gefa atkvæðisbærum sóknarbörnum í prestakallinu kost á því að óska eftir almennri kosningu með rafrænni undirritun. Notast skal við öruggan hugbúnað og þ. á m. nota almenna innskráningar-þjónustu s.s. rafræn skilríki eða Íslykil Þjóðskrár Íslands. Skal sóknarbarn auðkenna sig á fullnægjandi hátt áður en undirritað er rafrænt. Skal vera unnt að undirrita samkvæmt framanskráðu uns umsóknarfrestur um prestsembætti rennur út.

Hafi að lágmarki fjórðungur atkvæðisbærra sóknarbarna undirritað ósk um almenna prests-kosningu skal orðið við henni. Aldrei er þó þörf fleiri undirritana en fimm hundruð atkvæðisbærra sóknarbarna.

Auglýsing um breytinguna var birt í B-deild Stjórnartíðinda 28. september 2020, starfsreglurnar hafa jafnframt verið uppfærðar á vefnum, kirkjan.is.

*b) Framhald kirkjuþings 2020-2021 í nóvember 2020 og mars 2021*

Forseti kirkjuþings reifaði hvernig störfum nefnda kirkjuþings verður háttað þangað til þingið kemur saman á ný 7. nóvember 2020. Kirkjuráð mun tilkynna þeim sem í hlut eiga um framangreindar samþykktir og breytingar á starfsreglum.

---

## 5. ÖNNUR MÁL

---

*a) Kjörstjórn Þjóðkirkjunnar*

Kirkjuráð skipar kjörstjórn Þjóðkirkjunnar. Kirkjuþing kýs tvo kjörstjórnarmenn og tvo varamenn þeirra í þeirri röð sem þeir taka sæti aðalmanns. Kosning til kjörstjórnar fer fram á þriðja reglulega kirkjuþingi eftir síðasta kjör til kirkjuþings. Biskup Íslands tilnefnir formann og varamann hans og skal hann kunngera það á sama kirkjuþingi, en áður en þingið kýs til kjörstjórnar.

□ Kirkjuráð samþykkti að skipa eftirtalda aðila út frá tillögum kirkjuþings og biskups Íslands:

Aðalmenn:

Anna Mjöll Karlsdóttir, lögfræðingur, formaður

Sr. Anna Sigríður Pálsdóttir

Andri Árnason, lögmaður

Varamenn:

Elsa Þorkeldsdóttir, lögfræðingur

Anna Guðmunda Ingvarsdóttir, lögfræðingur

Sr. Vigfús Ingvar Ingvarsson

*b) Yfirkjörstjórn Þjóðkirkjunnar*

Kirkjuráð skipar yfirkjörstjórn Þjóðkirkjunnar. Í yfirkjörstjórn eru þrír menn og þrír til vara. Kirkjuþing kýs yfirkjörstjórn Þjóðkirkjunnar á þriðja reglulega kirkjuþingi eftir síðasta kjör til kirkjuþings. Formaður skal kosinn sérstaklega og vera löglærður sem og varamaður hans.

□ Kirkjuráð samþykkti að skipa eftirfarandi aðila út frá tillögum kirkjuþings og biskups Íslands:

Aðalmenn:

Sólveig Pétursdóttir, fyrrv. ráðherra, formaður

Sr. Magnús B. Björnsson

Guðmundur Einarsson, fyrrverandi framkvæmdastjóri

Varamenn:

Egill Heiðar Gíslason, ráðgjafi

Ragnhildur Benediktsdóttir, lögfræðingur

*c) Kynning mannauðsstjóra*

Lagt fram minnisblað mannauðsstjóra um lífeyrismál starfsmanna Þjóðkirkjunnar-Biskupsstofu. Mannauðsstjóri fór yfir minnisblaðið. Starfsmenn sem eru 60 ára eða eldri munu fá kynningu á þessum málum.

*d) Erindi frá settum sóknarpresti Þingeyrarklaustursprestakalls, Húnavatns- og Skagafjarðarprófastsdæmi*

Lagt var fram erindi setts sóknarprests í Þingeyrarklaustursprestakalls, dags. 24. september 2020, sem varðar leigugjald. Mannauðsstjóri kynnti almennar reglur um greiðslu húsaleigustyrkja til þeirra afleysingapresta sem þurfa að taka húsnæði á leigu meðan þeir gegna afleysingaþjónustu sinni. Málið er til afgreiðslu hjá biskupi Íslands.

Fundi slitið kl. 15:10.

Næsti fundur kirkjuráðs verður haldinn fimmtudaginn 5. nóvember nk.

---

Agnes. M. Sigurðardóttir  
biskup Íslands

---

Þorvaldur Víðisson  
biskupsritari

---

Solveig Lára Guðmundsdóttir  
vígslubiskup í Hólaumdæmi

---

Guðmundur Þór Guðmundsson  
skrifstofustjóri biskupsstofu

---

Séra Arna Grétarsdóttir

---

Séra Axel Árnason Njarðvík

---

Stefán Magnússon

---

Svana Helen Björnsdóttir